



**AXUDAS PARA MISIÓN COMERCIAIS DAS GRANDES EMPRESAS
CONVOCATORIA
MISIÓN COMERCIAL KAZAJSTAN e UZBEKISTAN
1 – 8 Julio 2023**

Resolución do 27 de febreiro de 2023 pola que se dá publicidade do acordo do Consello de Dirección que aproba as bases reguladoras das axudas para misións comerciais das grandes empresas (DOG Nº 51, de 14 de marzo do 2023)

**MISIÓN COMERCIAL KAZAJSTAN e UZBEKISTAN
Nº DE EXPEDIENTE AXUDAS MISIÓN COMERCIAIS GRANDES EMPRESAS:
IG265.2023.1.36
Nº DE EXPEDIENTE PROGRAMA MISIÓN COMERCIAIS PEMES VINCULADO: IG202.2023.1.35
1 – 8 Julio 2023**

**A Cámara de Comercio de Pontevedra, Vigo e Vilagarcía de Arousa e o Igape convocan a
MISIÓN COMERCIAL A KAZAJSTAN e UZBEKISTAN 2023**

- ORGANIZA:** Cámara de Comercio de Pontevedra, Vigo e Vilagarcía de Arousa e IGAPE
- FINANCIA:** IGAPE
- OBXECTO:** Concesión de axudas por parte do Igape para favorecer o incremento da internacionalización das empresas galegas non pemes, coa finalidade de incentivar e estimular o comercio exterior galego e a internacionalización.
- BENEFICIARIOS:** Empresas con sede social e centro de traballo en Galicia que non cumpran a condición de peme.
- DATAS:** Do 1 ao 8 xullo do 2023

SELECCIÓN DAS EMPRESAS

A selección das empresas efectuarase respectando a rigorosa orde da data da solicitude efectuada, e ata o esgotamento das prazas dispoñibles, sempre que cumpran os requisitos establecidos na convocatoria.

PLAN DE VIAXE PREVISTO

O plan de viaxe previsto é o seguinte:

Saída: 1 de Xullo (chegada a Almaty o 2)
Días de traballo en Almaty: 3 e 4 de Xullo
Traslado a Tashkent (Uzbekistán): 5 de Xullo
Días de traballo en Tashkent: 6 e 7 de Xullo
Regreso: 8 de Xullo de madrugada.

Outras opcións: Pódense contemplar outras opcións de viaxe. Consultar á Cámara

MOI IMPORTANTE: *Unicamente se subvencionarán os gastos de viaxe do persoal propio da peme participante, ou forme parte do consello de administración da mesma.*

CUSTO

O custe total estimado e o seguinte:

- Opción A1 (Dous países con axenda): 4.900 € + 21 % IVE = 5.929 €
- Opción A2 (Dous países sen axenda): 2.700 € + 21% IVE = 3.267 €
- Opción B1 (Un país con axenda): 4.100 € + 21 % IVE = 4.961 €
- Opción B2 (Un país sen axenda): 2.300 € + 21 % IVE = 2.783 €
- Opción C (Dous países axenda virtual): 2.200 € + 21 % IVE = 2.662 €
- Opción C (Un país axenda virtual): 1.400 € + 21 % IVE = 1.694 €

Son custos estimados e poden variar á baixa ou á alza. Axustaranse en cada caso

Inclúe (1 persoa por empresa): billete de avión, hotel con almorzo, seguro de viaxe, traslados grupais aeroporto-hotel-aeroporto e axenda de traballo.

REQUISITOS DOS BENEFICIARIOS

1. Poderán ser beneficiarios destas axudas as empresas que cumpran os seguintes requisitos:

a) Que superen os límites establecidos para definición de peme segundo o anexo I do Regulamento nº 651/2014 da Comisión de 17 de xuño de 2014 polo que se declaran determinadas categorías de axuda compatibles co mercado interior en aplicación dos artigos 107 e 108 do Tratado (DOUE 26.06.2014, L 187).

b) Que teñan domicilio social e algún centro de traballo radicado na Comunidade Autónoma de Galicia.

c) Que estean dadas de alta en programas avanzados de Igape de apoio á internacionalización con informe positivo emitido a partir de 1 de xaneiro de 2013. A solicitude de alta en programas avanzados de Igape de apoio á internacionalización, deberá facerse antes do remate do prazo de fin de execución da actuación, a través do procedemento do Igape IG192.

d) Os beneficiarios deberán estar ao día das súas obrigas coa Facenda Pública estatal, coa Comunidade Autónoma de Galicia e coa Seguridade Social e non ser considerados empresas en crise. Para estes efectos de empresa en crise, convén ter en conta a definición de empresa en crise que aparece no apartado 18 do artigo 2 do Regulamento nº 651/2014 da Comisión. Tamén deberán cumprir os requisitos establecidos no artigo 10 da Lei 9/2007, de subvencións de Galicia para ser beneficiario da axuda, e cumprir as obrigas do artigo 11 da citada Lei de subvencións.

e) Que cumpran a normativa de axudas de minimis segundo o previsto no Regulamento (UE) nº 1407/2013 da Comisión, do 18 de decembro de 2013, relativo á aplicación dos artigos 107 e 108 do Tratado de funcionamento da Unión Europea ás axudas de minimis (DOUE L 352, do 24 de decembro de 2013), para as empresas do sector pesqueiro no Regulamento (CE) nº 717/2014 da Comisión, do 27 de xuño de 2014, relativo á aplicación dos artigos 107 e 108 do Tratado de funcionamento da UE ás axudas de minimis no sector da pesca e da acuicultura (DOUE L 190, do 28.06.2014) e para as empresas do sector agrícola no Regulamento nº 1408/2013, do 18 de decembro, relativo á aplicación dos artigos 107 e 108 do Tratado de funcionamento da Unión Europea ás axudas de minimis no sector agrícola (DOUE L 352 do 24 de decembro de 2013) e o Regulamento (UE) nº 2019/316 da Comisión de 21 de febreiro de 2019 que o modifica (DOUE L 51 de 22 de febreiro de 2019).

f) Que estean ao día de pagamentos adebedados ás Cámaras de Comercio, Industria e Navegación das que formen parte.

2. Mediante a presentación da solicitude de participación na acción, os beneficiarios aceptan a tramitación a través da entidade colaboradora, que será así mesmo a encargada de informar



puntualmente ao interesado sobre o estado da súa petición, os dereitos e obrigas da mesma, e das notificacións recibidas de acordo co establecido no artigo 6.2. O Igape porá a disposición deste programa, unha aplicación no enderezo da internet

<https://www.igape.gal/gl/oficinavirtual> para os efectos de cubrir o cuestionario de solicitude de participación electrónicamente.

OBRIGAS DOS BENEFICIARIOS

Son obrigas dos beneficiarios, sen prexuízo do disposto no artigo 11 da Lei 9/2007, do 13 de xuño, de subvencións de Galicia, as seguintes:

- a) As descritas no artigo 6.6 letras a), c), d), e), e f) obrigas comúns ás entidades colaboradoras.
- b) Proporcionarlle á entidade colaboradora todos os documentos necesarios para poder tramitar as axudas establecidas nestas bases, así como acreditar os requisitos ou condicións que determinen a concesión da axuda, no prazo sinalado na resolución de convocatoria.
- c) Realizar o pagamento das facturas emitidas pola entidade colaboradora antes da data na que deban ser presentadas ante o Igape. Este pagamento debe estar debidamente documentado mediante xustificante bancario, tal e como establece o artigo 19 destas bases. A axuda aboarase a través da cámara unha vez finalizada a acción e cumpridas todas as obrigas.
- d) Participar nas actuacións que fundamenten a concesión da subvención, así como colaborar e achegar a documentación á entidade colaboradora.
- e) Comunicarlle á entidade colaboradora a obtención doutras subvencións, axudas, ingresos ou recursos que financien as actividades subvencionadas, así como a modificación das circunstancias que fundamentasen a concesión da subvención. Esta comunicación deberá efectuarse no momento en que se coñeza e, en todo caso, con anterioridade á xustificación da aplicación dada aos fondos percibidos.
- f) Conservar os documentos xustificativos da aplicación de fondos recibidos, incluídos os documentos electrónicos, durante un prazo de catro anos desde a súa presentación.
- g) Ter a capacidade administrativa, financeira e operativa para cumprir os obxectivos do proxecto para o que se concede a axuda.
- h) Proceder ao reintegro dos fondos percibidos nos supostos establecidos no artigo 33 da Lei 9/2007, do 13 de xuño, de subvencións de Galicia.

GASTOS SUBVENCIONABLES

1. Serán subvencionables as seguintes actuacións:

- a) Misións empresariais directas ao estranxeiro (incluíndo encontros empresariais ou visitas a feiras que teñan lugar en calquera país estranxeiro).
- b) Participación en feiras ou noutros eventos expositivos que se celebren no estranxeiro, así como aqueles outros eventos promocionais do tipo congresos, conferencias ou simposios que, aínda que non teñan un compoñente expositivo como tal, permitan indubidablemente a promoción da empresa a nivel internacional e teñan lugar no estranxeiro.

E que sexan convocadas polas Cámaras de Comercio declaradas entidades colaboradoras no marco das axudas para misións comerciais das pemes.

2. Gasto subvencionable:

O importe resultante dos custos directos soportados polo beneficiario derivados na participación nas actuacións descritas no apartado 1 deste artigo.

Este importe non poderá exceder ao resultante para o mesmo concepto para as pemes participantes na acción correspondente das axudas para misións comerciais das pemes.

O importe deberá ser certificado para cada convocatoria pola entidade colaboradora organizadora da actuación.

Este gasto limitarase a 6.000 € por empresa no caso de participación en misión comercial e a 25.000 € no caso de participación en feira ou evento expositivo.

Os gastos subvencionables deberán estar realizados e efectivamente pagados entre o día da presentación da solicitude de axuda e a data de fin de execución segundo o establecido na convocatoria destas bases e na resolución de concesión. Tamén serán subvencionables os gastos efectuados con anterioridade á presentación da solicitude de axuda correspondentes a reserva das empresas de participacións nas accións.

En ningún caso o custo dos gastos subvencionables poderá ser superior ao valor do mercado e non se admitirán os pagamentos en efectivo.

3. Compensación ás entidades colaboradoras.

Dado que as entidades colaboradoras prestan unha colaboración necesaria por ser as encargadas de organizar e executar as actuacións, tamén serán compensados os custos necesarios de medios humanos e materiais que a entidade colaboradora asigne á actuación e que se establecen cos seguintes límites: 400 euros por empresa participante nunha acción das descritas no artigo 3.1.a e 600 euros por empresa participante nunha acción das descritas no artigo 3.1.b.

Estes custos constitúen a base da compensación económica que se vai aboar ás entidades colaboradoras, tal e como se recolle na cláusula quinta do convenio entre o Igape e as entidades colaboradoras para a xestión destas axudas. O aboamento destes importes ás entidades colaboradoras soamente compensa os gastos nos que incorren as mesmas colaboradoras pero en ningún caso constitúen un beneficio para elas.

CONTÍA DA AXUDA

A contía da axuda será dun máximo do 70% sobre o importe ao que se refire o artigo 3.2. e coa seguinte distinción dependendo do tipo de beneficiario.

Tipo de empresa solicitante	
Empresas non pemes con menos de 500 empregados	Empresas non pemes con máis de 500 empregados
70%	60%

PRAZO, FORMA DE XUSTIFICACIÓN E RÉXIME XURÍDICO

Para a tramitación da subvención a empresa participante deberá enviar á Cámara de Comercio toda a información que esta necesite para poder xustificar a correcta realización da acción conforme aos parámetros desta convocatoria cando a Cámara o solicite.

O Igape aboará as subvencións á entidade colaboradora para que esta ingrese ás empresas os importes íntegros -sen compensación doutros gastos non elixibles- correspondentes ás subvencións recibidas do Igape correspondentes aos custos directos da operación, nun prazo máximo de 10 días hábiles tras recibir a transferencia de Igape. Unha vez feitas as transferencias

das subvencións ás pemes, as entidades colaboradoras deberán remitir ao Igape copia simple das transferencias efectuadas.

Será de aplicación a regulación sobre o réxime de xustificación, pagamento, reintegro e réxime sancionador de subvencións contida na Lei 9/2007, do 13 de xuño, de subvencións de Galicia e o Decreto 11/2009 do 8 de xaneiro polo que se aproba o seu regulamento.

FORMALIZACIÓN DE INSCRICIÓN

Data límite de inscrición: **25 de maio do 2023**

Para formalizar a inscrición na acción, debe enviar á Cámara de Pontevedra, Vigo e Vilagarcía de Arousa a seguinte documentación:

- Solicitud de participación (Formulario IG267 a cumprimentar na Oficina Virtual do Igape, e instancia firmada polo representante legal da peme)
 - Solicitud de participación
 - Copia da acreditación da representación legal do firmante (escritura de constitución da sociedade ou escritura de poder)
 - Copia Certificados actualizados de estar o corrente con a AEAT, TGSS e Facenda
 - Xustificante de pago a nome da Cámara de Comercio de Pontevedra, Vigo e Vilagarcía e Arousa polo importe correspondente a opción elixida:
- o Opción A1 (Dous países con axenda): 4.900 € + 21 % IVE = 5.929 €
 - o Opción A2 (Dous países sen axenda): 2.700 € + 21% IVE = 3.267 €
 - o Opción B1 (Un país con axenda): 4.100 € + 21 % IVE = 4.961 €
 - o Opción B2 (Un país sen axenda): 2.300 € + 21 % IVE = 2.783 €
 - o Opción C (Dous países axenda virtual): 2.200 € + 21 % IVE = 2.662 €
 - o Opción C (Un país axenda virtual): 1.400 € + 21 % IVE = 1.694 €

DATOS DA CONTA BANCARIA ONDE REALIZAR O PAGO

Banco Sabadell: ES39 0081 0388 0700 0351 4860

(Titular: Cámara de Comercio de Pontevedra, Vigo e Vilagarcía)

PENALIZACIÓN POR BAIXA VOLUNTARIA DA EMPRESA

En caso de **BAIXA VOLUNTARIA DA EMPRESA**, establécense as seguintes penalizacións:

- A- Se a baixa se produce con 40 días ou máis de antelación á realización da acción, a penalización consistirá no aboamento dos gastos incorridos, ata o momento, por parte da empresa.
- B- Se se produce con 39 a 30 días de antelación á realización da acción, a penalización consistirá no aboamento dos gastos incorridos, ata o momento, por parte da empresa.
- C- Se se produce entre o comezo da misión e os 29 días anteriores a penalización consistirá no aboamento dos gastos incorridos, ata o momento, por parte da empresa.

INFORMACIÓN E INSCRICIÓN

Cámara de Comercio de Pontevedra, Vigo e Vilagarcía de Arousa

C/ República Argentina 18A – 36201 Vigo

Tfno. 986 446295 / e-mail: comex@camarapvv.com